



9. april 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Nalunaarummi qulaani erseqqissarneqartumi umiatsiaaraq aalisarsinnaanermut akiliisoq aalisakkanik akiliuteqarfigineqareersunut aalisarnermut allamut nuussaguni tamanna qinnuteqaatigeqqaassavaa ?**
- **nalunaarut taamatut paasisariaqarpa ?**
- **aamma tamanna aalisarsinnaanermut akuersissummik akiliuteqartinneqartunut erseqqissumik nalunaarutigineqartarpa ?**

(Jens Immanuelson, Siumut)

Tunngavilersuut:

Aalisarnermut atatillugu atuisunut akiliuteqartitsisalerneq pillugu nalunaarummi nr. 2 12 februar 2010-meersumi § 7 imm. 2 umiatsiaararsorluni aalisartut tamarmik aalisarsinnaanermut akuerineqarnissamik qinnuteqaammut akuerineqartumut siullermut atatillugu taamaallaat akiliummik akiliissapput. Umiatsiaararsorluni aalisartoq, aalisarsinnaanermut akuersissummut siullermut akiliummik akiliuteqareersimasoq, aalisakkanik allanik aalisarsinnaanermut akuersissummik pissarserusuppat, aalisarsinnaanermut akuersissutit taakku tunniunneqassapput, akiliuteqartitsinertaqanngitsumik.

Annilaanngatigaara akuersissummut akileriikkamut aalisarnermullu allamut ikaarsaariarnermi allaffissorneq kinguarsaataalissasoq nalunaarut malillugu akileriikkamut akuersissutit tunniunneqartarnissaat pineqarmat.

Akineqarnissara qilanaaralugu utaqqissavara.